



Organizacioni odbor za pripremanje i realizaciju Programa obilježavanja Dana Grada Sarajeva u 2018. godini

Broj: 04-GV-05-259-1/17

Datum: 22.02.2018. godine

**ZAPISNIK O RADU KONSTITUIRAJUĆE SJEDNICE
ORGANIZACIONOG ODBORA ZA PRIPREMANJE I REALIZACIJU PROGRAMA
OBILJEŽAVANJA DANA GRADA SARAJEVA U 2018. GODINI
ODRŽANE 22.02.2018. GODINE**

Prisutni:

1. Dr. Igor Gavrić, predsjedavajući
2. Prof. Dr. Velija Katica,
3. Mira Jurić, članica
4. Edina Gabela, član
5. Samir Fazlić, po ovlaštenju umjesto Vibora Handžića, člana
6. Lana Velić, član
7. Miro Lazović, član
8. Bajro Biber, član
9. Srđan Srdić, član
10. Tea Mušić, član
11. Safet Krajišnik, član
12. Milan Trivić, član
13. Ivica Šarić, član

Odsutni: Sead Srna, član, Vedran Dodik, član, Abdulah Skaka, član

Iz Gradske službe za Gradsko vijeće sjednici prisustvovala:

- Mirjana Đanović Stanić, šef Odsjeka za stručne poslove

Sjednici prisustvovala, Erna Čolić, savjetnik Gradonačelnika

Predsjedavajući je konstatirao da se pozivu odazvala većina članova Odbora, izabраниh Odlukom Gradskog vijeća o imenovanju Organizacionog odbora za pripremanje i realizaciju Programa obilježavanja Dana Grada Sarajeva u 2018. godini, broj 01-02-1683/17 od 25.10.2017. godine, i time prihvatili prava i obaveze koje proizlaze iz dužnosti člana Odbora, a da su članovi koji nisu prisustvovali sjednici, najavili izostanak.

Predsjedavajući je zatim konstatirao da je Odbor konstituiran, te da sjednica ima kvorum za punovažan rad i odlučivanje.



Sjednica je počela s radom jednoglasnim usvajanjem sljedećeg dnevnog reda:

1. Donošenje Poslovnika o radu Organizacionog odbora za pripremanje i realizaciju Programa obilježavanja Dana Grada Sarajeva u 2018. godini
2. Razmatranje Prijedloga Programa obilježavanja Dana Grada Sarajeva u 2018. godini (utvrđuje Gradonačelnik)
3. Tekuća pitanja

Ad 1)

Poslije rasprave i sažetka Predsjedavajućeg, Odbor je jednoglasno usvojio sljedeći **zaključak**:

1. Odbor konstatira da je razmotrio predloženi tekst Poslovnika za rad Odbora i usvojio prijedloge iznesene tokom rasprave i to:
 - Poslovnik o radu se formulira tako da ne bude ograničeno njegovo važenje, odnosno da ne mora svake godine Odbor donositi novi Poslovnik;
 - u tekst Poslovnika uvrštava se određenje da rad Odbora stručno i administrativno opslužuje Gradska služba za Gradsko vijeće;
 - u tekstu Poslovnika se definira da se za postupke koji nisu uređeni predmetnim poslovníkom, primjenjuje Poslovnik Gradskog vijeća Grada Sarajeva, u dijelu koji se odnosi na rad radnih tijela Gradskog vijeća.
2. Usvaja se Poslovnik o radu Odbora za pripremanje i realizaciju Programa obilježavanja Dana Grada Sarajeva u 2018. godini, usklađen sa rješenjima iz zaključka broj 1, a koji je u prilogu ovog akta.

Ad 2)

U uvodnim napomenama, Predsjedavajući je podsjetio Odbor da bi konačan Program trebalo formulirati razmatrajući prijedlog teksta Gradonačelnika, uz usaglašavanje sa stavovima članova Odbora. Članovi Odbora bi, iz tako predloženog Programa, mogli određeni sadržaj preformulirati, izostaviti ili uvrstiti novi, ali tako da konačan Program bude usklađen s planom sredstava u Budžetu Grada Sarajeva u tekućoj godini za ovu namjeru. Naglasio je potrebu da se Program što prije donese kako bi se na vrijeme mogle izvršiti sve pripreme za njegovu realizaciju. Podsjetio je da je uloga Odbora i da prati pripreme za realizaciju i samu realizaciju Programa kroz redovne informacije Gradonačelnika, te da na kraju, kada Gradonačelnik podnese Izvještaj Gradskom vijeću o realizaciji Programa, ovaj Odbor razmotri izvještaj i formulira mišljenje za Gradsko vijeće.

Dalje je podsjetio na obavezan sadržaj Programa Svečane sjednice Gradskog vijeća Grada Sarajeva koja se održava u povodu obilježavanja 6. aprila – Dana Grada Sarajeva, te naglasio da bi sjednica trebala biti realizirana tako da posluži promociji grada Sarajeva u svakom segmentu, a posebno rezultata organa Grada Sarajeva u protekloj godini, te najavi bitnih aktivnosti koje će uslijediti. Upoznao je članove Odbora da je prijedlog za pripremu održavanja Svečane sjednice, u smislu izbora i realizacije umjetničkog programa Svečane sjednice, upućen Gradonačelniku na realizaciju još prije mjesec dana, te da se očekuje informacija o poduzetim aktivnostima.

Predstavnica Gradonačelnika je upoznala Odbor sa sadržajem događaja koji bi se trebali održati 6. aprila u gradu Sarajevu. Izdvojila je odavanje počasti polaganjem cvijeća na lokalitetima od značaja za grad Sarajevo, otvaranje izložbe „Uspinjača“ u Vijećnici, otvaranje Trebevičke žičare čiji sadržaj bi bio i otvaranje ploče i polaganje cvijeća Rami Biberu, po kome dolazna stanica Trebevičke žičare dobiva ime, a što znači realizaciju inicijative Gradskog vijeća. U Saračima bi bila postavljena instalacija starih fotografija žičare koje se prikupljaju putem javnog poziva građanima, a na Baščaršijskom trgu bi bio postavljen štand Grada Sarajeva sa slatkišima u obliku žičare, a vjerovatno i džezva za kafu sa Gradonačelnikom kao i prošle godine. Očekuje se i koncert Damira Imamovića i Trio grupe. U izlozima Titove ulice i Ulice Ferhadije bila bi postavljena izložba grafike „Sarajevski otisak“, a na trgu ispred tržnice bi bila organizirana radionica grafičara i studenata Akademije likovnih

umjetnosti. Svečani ručak za goste Grada Sarajeva bi bio organiziran u Hotelu Evropa (očekuju se gosti iz bratskih, odnosno prijateljskih gradova Beča, Ljubljane, Novog Pazara, Dubrovnika, Pečuha, Budimpešte i Rima, s tim da konačan spisak gostiju još nije završen). Poslije ručka bi bio organiziran zvanični prijem delegacija gradova kod Gradonačelnika.

U rasparavi je član Odbora Velija Katica predložio da se kao dio Programa organizira puštanje golubova, što je i promotivna aktivnost za Sarajevo, av ezano za autohtnost sarajevskog goluba prevrtača.

Poslije diskusije iz koje su proizašli određeni prijedlozi, te sažetka Predsjedavajućeg, Odbor je jednoglasno usvojio sljedeće **zaključke**:

1. Svečana sjednica Gradskog vijeća će se održati u auli Vijećnice 6. aprila s početkom u 19:30
2. U Program obilježavanja Dana Grada Sarajeva će se uvrstiti :
 - koncert koji će se održati 6. aprila u Domu mladih na Skenderiji danske grupe Einsatz u organizaciji Radija M;
 - Panel tribina „Sarajevo glavni grad BiH“, Vijeća bošnjačkih intelektualaca, 5. aprila poslije otvaranja izložbe „Uspinjača“ u Vijećnici;
 - PRESS konferencija u 13:00 u Vijećnici – posljednja najava događaja u povodu 6. Aprila;
 - Sadnja 1601 ruže u Velikom parku, Malom parku (preko puta Predsjedništva) i Parku nacionalnih manjina;
 - Otvaranje izložbe fotografa Ron Haviva u okviru Programa „Modul memorije“ 2018. godine Internacionalnog teatarskog festivala MESS, uz uručenje zahvalnice Grada Sarajeva Ronu Havivu;
3. Odbor upućuje prijedlog Gradonačelniku da razmotri mogućnost uvrštavanja u Program i
 - tradicionalni nogometni turnir „Josip Katalinski“, odnosno drugi sportski događaji,
 - svečani koncert „Sarajevske filharmonije“, te
 - sadržaj vezan za organizaciju otvorenih vrata organizacija civilnog društva u gradu Sarajevu
4. Odbor upućuje Gradonačelnika da otvaranjem izložbe, u ime pokrovitelja - Grada Sarajeva, da značaj tradicionalnoj izložbi u Galeriji „Collegium Artisticum“.
5. Odbor očekuje da će se posebna pažnja usmjeriti ka uređenju Spomen parka Vraca i svečanoj organizaciji polaganja cvijeća i odavanja počasti žrtvama Drugog svjetskog rata, uz određeni kratki program.
6. Gradonačelnik će Prijedlog Program obilježavanja Dana Grada Sarajeva u 2018. godini dostaviti najkasnije do srijede kako bi se sljedeća sjednica Odbora mogla održati u ponedjeljak, 05.03.2018. godine.

Ad 3)

Poslije kratke diskusije u kojoj su formulirani prijedlozi za zaključivanje, te sažetka Predsjedavajućeg, Odbor je jednoglasno usvojio sljedeće **zaključke**:

Usvaja se Dinamika rada Odbora za pripremanje i realizaciju Programa obilježavanja Dana Grada Sarajeva u 2018. godini, tako što će se sjednice Odbora održavati svakog sljedećeg utorka obavezno, a po potrebi i češće.

Zapisničar

Mirjana Đanović Stanić

PREDSJEDAVAJUĆI ODBORA

Dr. Igor Gavrić

